



Broj: JN06-16-4-162-23/22

Datum: 19.04.2023. godine

Na osnovu člana 64. stav (1) tačka (b), člana 25. i člana 70. st. (1), (3) i (6) Zakona o javnim nabavkama („Službeni list BiH“, broj 39/14 i 59/22), na osnovu rješenja Kancelarije za razmatranje žalbi BiH broj : JN2-01-07-1-444-7/23 od 16.03.2023. godine, zaprimljenog kod Ugovornog organa dana 30.3.2023.godine pod brojem : JN2-01-07-1-444-7/23 a u ponovnom postupku javne nabavke roba – nafta i naftni derivati, upravnik Zavoda za izvršenje krivičnih sankcija BiH d o n o s i:

O D L U K U
O IZBORU NAJPOVOLJNIJEG PONUĐAČA
(u ponovnom postupku nabavke nafte i naftnih derivata)

Član 1.

Po Rješenju Kancelarije za razmatranje žalbi, u postupku nabavke nafte i naftnih derivata dodjeljuje se Ugovor ponuđaču „HIFA PETROL“ DOO SARAJEVO“, za ponudenu cijenu od 55.743,11 KM bez PDV-a (65.219,43 KM sa PDV-om) kao najbolje ocijenjenom ponuđaču.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obavješten o izboru najpovoljnije ponude.
- (2) Izabrani ponuđač je dužan na adresu Ugovornog organa dostaviti dokaze iz Člana 45. Zakona o javnim nabavkama BiH, tačaka od a) do d) (u originalu ili ovjerenoj kopiji ne starijoj od 3 (tri) mjeseca od dana dostavljanja ponude), u roku od 7 (sedam) dana, nakon obavještenja o rezultatima ovog postupka javne nabavke od strane Ugovornog organa.
- (3) U slučaju da izabrani ponuđač propusti dostaviti dokaze u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuju se i ovlašćuju Služba za opće, pravne i materijalno-finansijske poslove.

Član 4.

Ova Odluka uputiće se ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke br. JN06-16-4-162/22 od 27.10.2022. godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a iznosi 62.550,00 KM.

Tenderska dokumentacija i Obavještenje o nabavci br : 24650-1-1-193-3-89/22 su objavljeni 27.10.2022. godine na Portalu javnih nabavki.

Komisija za javne nabavke imenovana je Odlukom o imenovanju Komisije za javne nabavke br. 01-16-4-83/22 od dana 12.01.2022. godine.

Komisija za javne nabavke je dana 22.11.2022. godine, dostavila Zapisnik o pregledu i ocjeni ponuda, br : JN06-16-4-162-7/22 i Preporuku o izboru najpovoljnijeg ponuđača, br. JN06-16-4-162-8/22 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da je blagovremeno zaprimljeno 2 (dvije) ponuda,
- da nije bilo neblagovremeno zaprimljenih ponuda, i
- da su ponude ponuđača: Hifa Petrol doo Sarajevo, i Eol Petrol doo Sarajevo prihvatljive.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

Nakon okončane e-aukcije, a shodno utvrđenom kriteriju „najniža cijena“, Komisija je konstatovala da je najpovoljnija ponuda ponuđača „Eol Petrol “ d.o.o. Sarajevo te predlaže da se istom dodijeli ugovor za predmetnu nabavku.

Postupajući po novoj (drugoj) žalbi žalitelja broj : JN-585/23 od 13.02.2023. godine, Kancelarija za razmatranje žalbi donijela Rješenje broj : JN2-01-07-1-444-7/23 od 16.03.2023. godine, kojim je usvojila predmetnu žalbu, poništila Odluku o izboru

najpovoljnijeg ponuđača te vratila Ugovornom organu na ponovno postupanje sa obrazloženjem da se Ugovorni organ pravilno odredi prema predmetnom spornom pitanju (rok dostave dokumentacije iz člana 45. Zakona o javnim nabavkama).

Postupajući po uputama Kancelarije za razmatranje žalbi navedenim u Rješenju broj : JN2-01-07-1-444-7/23 od 16.03.2023. godine, Ugovorni organ je u ponovnom postupku Ugovor dodijelila Hifa Petrol doo Sarajevo iz razloga što smo tumačenjem navedenog Rješenja došli do zaključka da se predmetnim Rješenjem upravo to i nalaže. Po predmetnom postupku prethodno smo već imali Rješenje koje je u svom meritumu bilo identično tj istim se tražilo od Ugovornog organa da se pravilno odredi prema predmetnom spornom pitanju (rok dostave dokumentacije iz Člana 45. Zakona o javnim nabavkama BiH, tačka od a) do d) (u originalu ili ovjerenoj kopiji ne starijoj od 3 (tri) mjeseca od dana dostavljanja ponude), te je Ugovorni organ prethodno u ponovnom postupku Odlukom zatražio da se dostave traženi dokazi na adresi Ugovornog organa u roku od 7 (sedam) dana te Ugovor ponovno dodjelio Eol Petrol-u doo Sarajevo. Međutim na istu Odluku je uložena Žalba od Hifa Petrola doo Sarajevo te je na istu Kancelarija za razmatranje žalbi svojim Rješenjem opet poništila Odluku i vratila ugovornom organu na ponovno postupanje. Iz istog razloga smo ovom Odlukom Ugovor dodijelili žalitelju Hifa Petrol doo Sarajevo, jer smo na taj način protumačili već navedeno Rješenje Kancelarije za razmatranje žalbi.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni list BiH“, broj 39/14 i 59/22), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni glasnik BiH“, broj 39/14 i 59/22).

U P R A V N I K

Siniša Perković

Dostaviti:

1. Komisiji za javne nabavke,
2. Hifa Petrol doo Sarajevo,
3. Eol Petrol doo Sarajevo, i
4. U spis.